

OHR domaćin Konferencije o zakonodavstvu o drogama

Danas je OHR bio domaćin konferencije posvećene načinima borbe protiv trgovine drogama i ostalih prekršaja vezanih za droge u Bosni i Hercegovini.

Na konferenciji su učestvovali nadležni ministri iz oba Entiteta, kao i državni ministri zajedno sa bosanskohercegovačkim policijskim ekspertima i ekspertima iz Programa kontrole droga Ujedinjenih naroda (UNDCP).

Učesnici su se složili da postoji potreba za daljom saradnjom na ovom polju, kao i da se uspostavi radna grupa zadužena za uskladjivanje postojećih zakona o drogama sa UN-ovim konvencijama o tom pitanju.

Ove konvencije jasno utvrđuju međunarodne obaveze Bosne i Hercegovine i pozivaju na donošenje izmjena i dopuna u postojećem zakonskom okviru. Ove izmjene i dopune će imati utjecaja na široku lepezu zakona kako na državnom tako i na entitetskom nivou. U saradnji sa UNDCP, OHR će radnoj grupi osigurati svu neophodnu tehničku i pravnu pomoć.

Trgovina drogama i drugi prekršaji vezani za droge su u zadnjih nekoliko godina postali izvor rastuće zabrinutosti u Bosni i Hercegovini. Već je uspješno uspostavljeno nekoliko projekata UNDCP u Bosni i Hercegovini. Nakon usvajanja Zakona o granicnoj službi i Zakona o imigraciji i azilu, došlo je vrijeme da se ovaj problem riješi zakonodavnim putem.

Efikasno krivično gonjenje odgovornih za trgovinu drogama sasvim jasno predstavlja najviši prioritet ukoliko se Bosna i Hercegovina želi pridružiti porodici modernih evropskih država – što uključuje i prikladno reguliranje pitanja izdavanja dozvola za korištenje droga u legalne svrhe.